

PODACI Pres-konferencija Centralne izborne komisije BiH

Više od tri miliona glasača na oktobarskim izborima

U odnosu na prošle izbore, broj registriranih iz dijaspore povećan samo za 2.608 • Izbori će koštati oko 10,5 miliona KM

Konačan broj građana BiH koji žive u inozemstvu, a koji su se registrirali za glasanje na predstojećim lokalnim izborima 5. oktobra iznosi 35.049 birača. Ta brojka znači da se u odnosu na 2006. iz dijaspore prijavilo tek 2.608 osoba više nego prije dvije godine, kada ih se za opće izbore registriralo 32.441.

Finansiranje kampanje

Na pres-konferenciji Centralne izborne komisije (CIK) BiH jučer je iznesen i poražavajući podatak da se u cijelom svijetu za glasanje u diplomatsko-konzularnim predstavništvima prijavilo samo 290 bh. građana. U državama, broj onih koji su se opredijelili da bi lično došli u DKP da glasaju kreće se od tek jednog u Italiji, do 23 u Berlinu.

Zbog ovog nedovoljnog broja birača, CIK neće iskoristiti zakonsku mogućnost koja je prvi put data nedavnim izmjenama Izbornog zakona BiH, te nećemo organizirati glasanje u DKP-ima - saopćio je predsjedavajući CIK-a Suad Arnautović, ističući da će i ovih 290 birača iz inozemstva svoje glasačko pravo moći ostvariti putem pošte.

Kako je rekao član CIK-a Tihomir Vujičić, pošto neće biti glasanja u DKP-ima, prvobitna cifra od oko 11 miliona maraka koliko je najavljivano da će ukupno koštati ovogodišnji izbori, pala je na oko 10,5 miliona KM. Kada je riječ o finansiranju izborne ka-



Sa pres-konferencije: Ništa od glasanja u DKP-ima

(Foto: B. Nizić)

Registrirana 4.483 Srebreničanina

Arnautović je naglasio da je, za razliku od broja registriranih u inozemstvu, CIK zadovoljan registracijom birača za Srebrenicu. Tokom registracije, mobilni tim CIK-a prikupio

je obrasce na kojima su se 4.483 Srebreničanina prijavila da će iskoristiti svoje pravo da, bez obzira na mjesto trenutnog življenja, glasaju za općinu Srebrenica.

mpanje, Vujičić je naveo i da će stranke moći potrošiti po 30 feninga po biraču za izbor načelnika, te dodatnih po 30 feninga za izbore vijećnika i odbornika.

S obzirom na to da je poznat broj birača u dijaspori, Arnautović je najavio da će danas početi

štampanje glasačkih listića za inozemstvo.

Početak štampanja

To će obaviti sarajevska štamparija CPU, a početak redovnog štampanja svih ostalih glasačkih listića treba početi do 20. avgusta, dok bi 21. avgusta trebao biti zaključen konačan Centralni birački spisak. Izgled glasačkih listića već je utvrđen, a potvrđeno je da će njihovo štampanje koštati oko 1,5 miliona KM.

Ove godine očekujemo da će broj ukupno registriranih birača prijeći tri miliona, a na prošlim izborima bilo ih je 2.765.504 - iznio je Arnautović. **M. KUKAN**

SDS bez kandidata za Banju Luku

Portparol CIK-a Maksida Bajramović pojasnila je da je SDS-ova kandidatura Radmile Trbojević za gradonačelnicu Banje Luke odbijena, jer ona nije do 7. maja, odnosno, do

dana raspisivanja ovih izbora, bila registrirani birač u Banjoj Luci. Međutim, SDS nije iskoristio svoje pravo da u predviđenom roku, koji je istekao, ponudi drugog kandidata.

Obilježena 18. godišnjica SDA Tuzle

Uvijek smo vodili računa o građanima



Tuzla: Delegacija SDA položila cvijeće na Kapiji

(Foto: A. Bajrić Blićko)

Svečanom akademijom i obraćanjima predstavnika SDA, sinoć je obilježena 18. godišnjica Općinskog odbora SDA Tuzle.

U proteklom periodu, iako smo bili opozicija u općinskim organima vlasti, s ponosom ističem da smo vodili računa isključivo o građanima i gradu - kazao nam je Salko Bukvarević, predsjednik OO SDA Tuzla.

Povodom 18. godišnjice SDA Tuzla, delegacija stranke, na čelu s potpredsjednikom SDA Bakirom Izetbegovićem i Salkom Bukvarevićem, položila je cvijeće na spomen-obilježju u Slačnoj banji, te na Kapiji, mjestu stradanja tuzlanske mladosti. **A. H.**



Babić: Kandidat SBiH u Bihaću



Lipovača: Aktuelni načelnik

Objavljujemo imena kandidata za načelnike (3)

U USK se za mjesta prvih ljudi općina bori 31 osoba

Ko su kandidati u Bihaću, Sanskom Mostu, Ključu, Velikoj Kladaši, Cazinu...

„Dnevni avaz“ nastavlja objavljivati imena kandidata za načelnike općina. Danas donosimo imena 31 osobe koje će se boriti za načelnička mjesta na području Unsko-sanskog kantona.

Bihać

Stranka za BiH - Muhamed Babić, SDA - Zibija Muslić-Bibanović, SDP - Hamdija Lipovača.

Sanski Most

SDA - Sanjin Halimović, SBiH - Mirnes Alagić, SDP - Zikrija Džafić.

Ključ

SBiH - Nedžad Zukanović, SDA - Osman Čehajić, nezavisni kandidat - Nijaz Delić, nezavisni kandidat - Bajazid Hadžić.

Velika Kladaša

SDA - Senad Kajdić, Demokratska narodna zajednica (DNZ) - Admil Mulalić Ado.

Cazin

SDA - Nijaz Hušić, nezavisni kandidat - Amir Harbaš, A-sda - Nermin Ogršević, DNZ - Hafeza Sabljaković.

Bosanska Krupa

SDA - Hamdija Grošić, BPS - Sanimir Jogić, nezavisni ka-

Ko je u utrci za Bosansku Krupu

Sedam kandidata borit će se za načelnička mjesta u još tri krajiške općine koje pripadaju RS.

Bosanska Krupa/Krupa na Uni: DNS - Mladen Kotur, SNSD - Slavica Bjeljac, SDS - Mile Kličković. Petrovac: DNS - Milanko Brkljač, SNSD - Drago Kovačević. Sanski Most/Oštra Luka: SNSD - Drena Kuridža, SDS - Dragan Stanar.

ndidat - Armin Halitović, nezavisni kandidat - Mirzet Kurtović.

Bužim

SDA - Mirsad Šahinović, SBiH - Zijad Nanić, A-sda - Jasmin Emrić, Evropska ekološka stranka E-5 - Nedžad Durić, nezavisni kandidat - Hilmija Nanić.

Bosanski Petrovac

SBiH - Mirzad Omić, SDA - Huse Jukić, Naša stranka (NS) - Ermin Hajder, SNSD - Boško Tubić, NSRZB - Branko Grbić, nezavisni kandidat - Dragan Kesman. **M. K.**

(Sutra lista kandidata u SBK)

OHR smatra da nema razloga za zabrinutost

Konvertibilna marka je stabilna

Portparol Ureda specijalnog predstavnika Evropske unije u BiH (EUSR) Eldar Subašić ocijenio je povodom izjave premijera RS Milorada Dodika o potrebi prelaska na euro i zbog samih priča o vrijednosti konvertibilne marke, da je KM stabilna valuta i nema nikakvog razloga za zabrinutost.

Subašić je za Fenu rekao da, što se tiče uvođenja eura, Evropska unija je više puta ponovila da jednostrana „euroizacija“ nije kompatibilna prijavljivanjem za članstvo u Evropskoj uniji.

On je podsjetio da ugovor o Evropskoj uniji, usvojen u Maastrichtu u februaru 1992., predviđa da eventualno prihvatanje eura u zemljama članicama predstavlja kraj procesa ispunjavanja takozvanih „kriterija iz Ma-



OHR: Ispunjavanje kriterija

strihta“ za uspostavu ekonomske i monetarne unije te jedinstvene valute.